

Sakspapir

Saksnr	Utvalg	Type	Dato
107/20	Kommunestyret	PS	12.11.2020

Saksbehandler	Arkiv	ArkivsakID
Ketil Tjore	FE-033	20/4818

Stadfesting av smitteverntiltak innført av KKL

Framlegg til vedtak:

Kommunestyret vedtek som forskrift dei tiltaka som Kommunal kriseleiing (KKL) har innført i dagens smittesituasjon. Tiltaka er tilnærma lik dei som er innførte i Bergen og dei næraste omegnskommunane, det største unntaket er at det er opna for 50 gjester i både gravferder og gudstenester.

Kommunestyret - 107/20 - 12.11.2020

KS - behandling:

Varaordfører Inger Lise Brekke (H) spurte om det var naudsynt med tiltaket om maksimalt fem personar i private heimar.

Rådmann Liv Løvvik viste til at det var gitt eit frå senralt hald råd om å ha mest mogleg like retningslinjer, og Austrheim har lagt seg opp mot det som gjeld i Bergen. Løvvik sa vidare at smittespreiinga ofte skjer i heimesituasjonar, der det ikkje blir brukt munnbind.

Ordfører Per Lerøy (Ap) sa at det var tilrådd å ha det likt med resten av regionen, og sa vidare at sjølv med desse tiltaka auka smiten, der både Viken og Vestland gjekk i raudt denne dagen.

Reidar Ulvøy (Ap) sa at det er kjipt med strenge tiltak, men det er fornuftig å vera konservative. Det er tidsavgrensa kor lenge dette varer, og vidare er det viktig å ikkje ha for mange ulike reglar i regionen.

Ordfører Per Lerøy (Ap) sa at det er ein ny smitte i kommunen i dag, og ganske mange som er i karantene. Austrheim står no med 12 personar med Korona-smitte, men er nok over 20 sidan mange har vore registrerte i andre kommunar, men har vore isoerte i bustader i Austrheim kommune.

Det vart røysta over framlegget. Det vart vedteke mot ei røyst (Inger Lise Brekke, Høgre). Forskrifta vert sendt til Fylkesmannen for orientering.

KS - vedtak:

Kommunestyret vedtek som forskrift dei tiltaka som Kommunal kriseleiing (KKL) har innført i dagens smittesituasjon. Tiltaka er tilnærma lik dei som er innførte i Bergen og dei næraste omegnskommunane, det største unntaket er at det er opna for 50 gjester i både gravferder og gudstenester.

Forskrifta vert sendt til Fylkesmannen for orientering.

Saksopplysninger:**Bakgrunn****Vurdering**

Kommunal kriseleiing (KKL) har med bakgrunn i smitteveksten ein har hatt i Bergen, og dei tiltak som er innførte der, vedteke eitt sett Korona-reglar som til dels er strengare enn dei nasjonale retningslinjene.

Tiltaka skal sikra at ein ikkje får ei smitteoppblomstring her i Austrheim, tilsvarande den som Bergen kommune har fått. Tiltaka i Austrheim bygger på tiltaka innført i Bergen og omegnskommunane.

Innbyggjarane i kommunen er gjort merksame på tiltaka via oppslag på nett og Facebook, og varsel via SMS og e-post. Alle tilsette har fått melding direkte på e-post.

Konklusjon

Kommunestyret vedtek som forskrift dei tiltaka som Kommunal kriseleiing (KKL) har innført i dagens smittesituasjon. Tiltaka er tilnærma lik dei som er innførte i Bergen og dei næraste omegnskommunane, det største unntaket er at det er opna for 50 gjester i både gravferder og gudstenester.